

Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

§. I. Quibusdam præmissis conclusio affirmativa statuitur,

[urn:nbn:de:hbz:466:1-77342](#)

gentia, seu habitus primorum principiorum, qui
solum veritates indemonstrabiles & medio caren-
tes attingit.

139. Colligitur quinto, Christum per scientiam infusam potuisse intelligere sine conversione ad phantasmata, vel cum conversione ad illa, pro voluntatis arbitrio.

Probatur : Christus habebat duplicum modum intelligendi , alterum communem Angelis & beatis , ut comprehensor ; alterum communem hominibus , ut viator : Atqui per primum erat omnino independens à phantasmatibus ; tum quia habebat species infusa à Deo , sicut Angeli ; tum etiam quia habebat dominium supra suum corpus , ut beati : Ergo ex eo capite non debebat necessarij uti phantasmatibus . Similiter ut viator habebat communem modum intelligendi cum aliis hominibus , utendo sensibus & phantasmatibus : Ergo ex eo capite poterat se convertere ad phantasmata , ut in ipsis rebus , velut in speculis & exemplis , videret quæ per scientiam infusa cognoscebat .

140. **Confirmatur:** Quia scientia per se infusa, est
supernaturalis sit, fuit tamen in modo operandi
portionata naturae humanae, & modo natura-
li cognoscendi intellectus humani, qui est per dis-
cussum intelligere, potuit Christus illâ uti discu-
rrendo, ut præcedenti corollario ostensum est: At
qui etiam modus connaturalis intelligendi animæ
corpori unitæ, est intelligere speculando phanta-
mata, & convertendo se ad illa: Ergo eadem ra-
tione Christus potuit uti scientiâ infusa, conver-
tendo se ad phantasmata. **Quod ut magis percipi-**
atur, & argumento quod in contrarium fieri
posset occurratur.

141. Notandum est cum D. Thoma in 3. dist. 14.
quest. 1. art. 3. questiunc. 3. quod intellectus ha-
bet se ad phantasmata dupliciter: Vno modo sicut
accipiens à phantasmatibus scientiam quod est in
illis qui nondum scientiam habent secundum mo-
tum qui est à rebus ad animam. Alio modo secun-
dum motum, qui est ab anima ad res, in quantum
phantasmatis utitur quasi exemplis, in quibus
inspicit quod considerat, cuius tamen scientiam
prius habebat in anima. Quamvis ergo scientia
infusa animæ Christi non posset primo modo à
phantasmatis dependere, cùm ab illis non pos-
set species accipere, eò quod species tali scientiæ
deservientes habita sunt per infusionem; bene-
tamen secundo modo, potuit enim Christus uti
tali scientiæ, ponendo species super phantasma,
& in ipsis phantasmatis objectum sensibile in-
spiciendo, quod alias in seipso poterat per tales
species cognoscere. Sicut ille qui potens aliquod
objectum videtur in seipso, voluntariè visum ad
speculum applicat, illudque in speculo intuetur.

142.² Colligitur sexto, scientiam infusam animæ Christi, non fuisse semper in actuali consideratione omnium objectorum ad quæ poterat se extenderet, immo nec fuisse necessariò cum cognitione actuali alicuius objecti conjunctam; quia licet talis habitus esset supernaturalis & infusus, fuit tamen voluntati humanae Christi, quantum ad usum subjectus; eo modo quo habitus charitatis, licet sit supernaturalis, subditur tamen nostra voluntati quantum ad applicationem & usum; unde sicut habitu charitatis utimur quando volumus, & quantum volumus; ita & anima Christi utebatur scientiâ infusa quando volebat, & per ipsam ea solùm objecta considerabat, ad quorum considerationem illam applicabat.

A Colliges septimò, scientiam infusam Christi, 143.
 esse quidem superiorē scientiā Angelorum, non
 solum quantum ad claritatem & certitudinem,
 sed etiam quantum ad numerum scitorum, cum
 per eam Christus cognoscat plura mysteria gra-
 tiae, & futura contingentia, nec non occultas cor-
 dium cogitationes, quae Angelis non revelantur,
 ut constat ex dictis art. 4. **Esse tamē scientiā ange-**
licē inferiore, quantum ad modum cognoscendi
qui est naturalis anima humana, nempe mo-
dum cognoscendi per discursum, & per conver-
sionem adphantasmata, ut ait S. Thomas art. 4.

B & quantum ad species quibus uitur; quia, ut
 idem S. Doctor art. 6. docet, species anima
 Christi infusa, sunt minus universales, quam
 species Angelis indite; quia sunt commensuratae
 intellectui humano Christi, qui non est ita perfe-
 aus sicut intellectus angelicus.

DISPVTA TIO XVII.

De scientia Christi acquisita.

Ad quest. 12. D. Thomæ.

Postquam S. Doctor de scientia beata & infusa anima Christi distinxit, ut totum de scientia Christi Tractatum persolvat, agit de scientia à Christo acquista, circa quam pauc occurrunt, articulis sequentibus discutienda.

ARTICVLVS PRIMVS.

*Vtrum præter scientiam beatam, & infusam,
constituenda sit in anima Christi Domini
scientia per se acquisibilis?*

§. I.

Quibusdam premissis conclusio affirmativa statuitur.

Notandum primò: quod scientia per se acquisibilis illa dicitur, quæ tametsi de facto à Deo aliquando infundatur (qualiter omnes scientias naturales fuisse Adamo in primo conditionis instanti infusas, docet D. Thomas i. p. quæst. 94. art. 3.) per se tamen & connaturaliter petitur nostris actibus acquiri; ad differentiam scientiarum infusa per se, cui vel repugnat essentialiter nostris actibus acquiri, vellicet possit de potentia absoleta illis effici, per se tamen & connaturaliter petitur per infusionem haberi.

E Notandum secundo: hic solum nos inquirere,
an in Christo fuerit scientia quæ per se & ex na-
tura sua ab homine aequabilis est. Utrum vero
Christus eam per accidentem habuerit per infusionem,
sicut Adamus, vel illam de facto propriis
actibus sibi comparaverit, sicut nos eam acquiri-
mus, dicemus articulo sequenti. His præmissis,
pro resolutione difficultatis proposita,

Dico breviter: constituenda est in anima Christi Domini scientia ex genere suo acquisita. Ita communiter docent Theologi cum S. Thoma super quæst. 9. art. 4. excepto Richardo; licet enim pro opposita sententia referantur D. Bonaventura. Scorus, Gabriel, & Durandus; illi tamen

non negant dati in anima Christi Domini scientiam per se & ex genere suo acquisibilem, sed tantum volunt eam de facto non fuisse ab illo propriis aetibus acquisitam, sed per accidentem ipsi infusam. Quidquid tamen sit de hoc.

4. Probatur primò conclusio hac ratione. Oportuit ut omnis potentialis naturalis anima Christi conveniens, ad actum reduceretur, ut ex supra dictis patet: Sed anima Christi Domini est in potentia naturali ad scientiam per se acquisibilem, cum sit eiusdem speciei cum ceteris animabus, in quibus hujusmodi potentia invenitur: Ergo fuit ad actum reduta, & consequenter habuit scientiam istam ex genere suo acquisibilem.

5. Confirmatur: Quia anima Christi est in potentia ad scientiam beatam, quia intelligit modo divino, & ad scientiam per se infusam, quia intelligit modo angelico, fuerunt in ipsa scientia infusa per se naturalis, & supernaturalis, ut supra ostensum est: Sed anima Christi est etiam in potentia ut intelligat modo humano: Ergo in ipsa constituta est scientia ex genere suo acquisibilis, per quam modo humano intelligat.

6. Confirmatur amplius: Anima Christi est in potentia ad intelligendum per conversionem ad superiora, recipiendo perfectionem ab illis, scilicet species impressas, infusas a Deo; est etiam in potentia ad intelligendum per conversionem ad inferiora, nimurum per species ab illis acceptas: Sed ut prima potentia compleatur, & ad actum educatur, ponitur in anima Christi scientia per se infusa naturalis & supernaturalis: Ergo ut secunda compleatur, & ad actum reducatur, sunt in ipso constituta species per se acquisibiles ab objectis materialibus, & consequenter scientia ex genere suo acquisibilis, qua vel in his speciesbus consistit, vel illas supponit.

7. Probatur secundò conclusio: Potentia intellectiva Christi non minus perfecta fuit, quam ejus voluntas: Sed voluntas Christi, prater virtutes per se infusas, habuit etiam per se acquisibiles, ut supra ostensum est: Ergo pariter potentia intellectiva Christi, prater scientiam per se infusam, habuit scientiam per se acquisibilem. Hæc conclusio magis patet ex dicendis articulo sequenti, ubi alias rationes quas tradit S. Thomas art. 4. adducemus, & exponemus.

S. II.

Solvuntur objectiones.

8. Objecies primò: Omnia quæ Christus cognoscere potest per scientiam acquisitam, cognoscit per infusam, idque evidenter & peractior modo: Ergo frustra in eo ponitur scientia ex genere suo acquisita.

9. Respondeo, concessò Antecedente, negando Consequentiam: ad perfectionem enim intellectus Christi spectat non solum omnia objecta cognoscere, sed etiam omni modo quo cognoscibilia sunt: unde sicut in anima Christi, prater scientiam beatam, quæ res in verbo contemplatur, ponitur scientia infusa, per quam illas extra verbum cognoscat, eò quod utroque modo ab ea cognoscibiles sint: ita quia res naturales, non solum per species a Deo infusas, sed etiam per species a phantasmatisbus abstractas cognosci possunt, debet in anima Christi, prater scientiam naturalem infusam, ponis scientia ex genere suo acquisibilis, quæ per species a phantasmatisbus abstractas ob-

A jecta naturalia cognoscat; præsertim cum modus ille cognoscendi sit maximè connaturalis animæ Christi, utpote conjunctæ humano corpori: ut enim docet D. Thomas i. part. quæst. 89. in corp. idcirco anima rationalis unitur humano corpori, ut ex unione ad illud fortifiatur modum intelligentiæ per species acquisitas, & per conversionem adphantasmata, qui est ipsi connaturalior.

B Objecies secundò: Due formæ solo numero distinctæ non possunt esse simul in eodem subiecto: Sed scientia infusa naturalis (quam fuisse in Christo disp. præcedentis art. 1. docuimus) solo numero differre potest a scientia naturali acquisita: Ergo primâ admisâ in Christo, secunda ab eo excludi debet. Major est certa, nam in sententia Thomistarum, duo accidentia solo numero distincta, nequeunt in eodem subiecto existere. Minor vero, in qua solum est difficultas, sic ostenditur. Differentia sumpta ex diversa causa efficienti, non est differentia specifica, sed tantum numerica; ut constat in homine ab altero homine genito, & Adamo immediatè a Deo producto: Sed scientia Christi infusa à primo conceptionis instanti, & scientia per se acquisita, distinguntur solum penes causas efficientes, quia nimur illa immediatè a Deo fuit facta, ista vero acquisita propriis aetibus, ut articulo sequenti dicemus: Ergo solo numero distinguntur.

C Respondeo negando Minorem, ad cuius probationem, distingo Majorem: Differentia sumpta ex diversa causa efficiente, per accidentis inspecta ab effectibus, non est specifica, concedo Majorem. Per se inspecta ab illis, nego Majorem; & sub eadem distinctione Minoris, nego Consequentiam; quia scientia infusa Christo, per se respicit Deum ut causam efficientem; & scientia per se acquisibilis, per se respicit intellectum agentem, ut causam specierum, & actus intellectus possibilis, ut causam efficientem habitum; & ideo non solo numero, sed specie distinguntur.

D Instabis, Differentia penes causas efficientes non potest esse prima, nisi solum in formis quæ à principio sumunt specificationem: Sed scientia sive sumpta pro habitu, sive pro speciebus, non specificatur à principio: Ergo differentia sumpta ex diversa causa efficiente, nequit prima esse inter scientias, sed ut per se petant causas efficientes diversas, debent supponi distinctæ ex diversitate obiectorum: Sed obiectum scientia infusa animæ Christi, idem est cum objecto scientia acquisita, v. g. idem homo quem Christus per scientiam infusam cognovit, & per scientiam acquisitam: Ergo non petunt per se causas efficientes diversas, & consequenter non distinguntur specificè.

E Respondeo ex Capitulo in 3. dist. 14. quæst. unicâ art. 3. ad 1. contrâ secundam conclusionem, concessâ primâ Consequentiam, distinguendo Minorem subsumptam: Est idem utriusque obiectum, materialiter, concedo Minorem, & Consequentiam. Nam distinctio formalis objectiva, cum coincidentia materiali in objecto, sufficit ad distinctionem specierum, actuum, & habituum: licet autem eadem natura specifica, verbi gratiâ lapidis, per speciem infusam & acquisitam representetur, non tamen sub eadem ratione; nam species abstracta à phantasmatisbus, illam representat per ordinem ad phantasmata; species autem infusa, sine tali ordine; & consequenter sub majori immaterialitate representatur per speciem infusam, quam per speciem acquisitam; ex quo